

SESION EXTRAORDINARIA CELEBRADA POLO PLENO DO CONCELLO O DIA
5 / DECEMBRO / 1996

S U M A R I O

- 1.- PROPOSTA DA COMISION INFORMATIVA DE FACENDA, PATRIMINIO E PERSOAL, S/ PRESTAMO A LONGO PRAZO 2/96.

Na Casa do Concello de Redondela, sendo as dezanove horas corenta e cinco minutos do día cinco de Decembro de mil novecentos noventa e seis, baxio a Presidencia do Ilmo. Sr. Alcalde, D. AMADO RICON VIRULEGIO, e a asistencia dos Sres./as Concelleiros/as: D. MANUEL ALONSO LEMOS, D^a. MARIA DEL CARMEN BASTOS RODRIGUEZ, D. JOSE BLANCO PUGA, D^a. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. EMILIO GONZALEZ IGLESIAS, D. XOSE LUIS GRANDE GRANDE, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, D^a. CECILIA PEREZ ORGE, D. MANUEL PIÑEIRO COSTAS, D. FRANCISCO PUCH CASAL, D. LUIS RODRIGUEZ VILARCHAN, D. JOSE MANUEL SOTO VIRULEGIO, e D. JAIME TORNERO LOPEZ, actuando como Secretario que certifica, D. LUIS TORRADO VAZQUEZ, se constitúe o Pleno do Ilmo. Concello, en sesión extraordinaria correspondente ó día da data, conforme á convocatoria e de acordo coa Orde do Día remesada a tódolos Sres./as Concelleiros/as coa antelación legalmente requerida. Está tamén presente o Sr. Interventor Municipal, D. MODESTO SOLLA SANZ.

Non asistiu o/a Sr./a Rei Barreiro e Villaverde Rodríguez.-

A Presidencia declarou aberta a sesión, en primeira convocatoria, procedéndose a trata-lo único punto da Orde do Día.

**1.- PROPOSTA DA COMISION INFORMATIVA DE FACENDA,
PATRIMONIO E PERSOAL, S/ PRESTAMO A LONGO PRAZO 2/96.-**

Pola Presidencia dase conta de Proposta da Comisión Informativa de Facenda, Patrimonio e Persoal de data 2 de Decembro de 1996, que dí:

"Vista a Proposta da Alcaldía, referente á tramitación dun expediente de préstamo a longo prazo 2/96 polo importe de 23.772.859.- Pesetas para facer fronte ó financiamento das aportacións municipais ós seguintes investimentos:

- Reprodutor de planos 2.865.000.-
- Pavimentación camiños municipais: --
 Campo da Feira, Val do Muíño e Pai --
 Crespo (p) 11.442.626.-
- Pavimentación camiños municipais: As
 ánimas e outros (p) 9.465.233.-

Visto así mesmo o informe do Sr. Interventor do Concello de Redondela, despois de deliberar, os membros presentes da devandita Comisión Informativa dictaminan FAVORABLEMENTE dita proposta cos votos a favor dos Concelleiros do PP, D. Luis A. Míguez Docampo, D^a. Francisca Canal Gómez, en representación de D. José Manuel Soto Virulegio, D. Gumersindo Fernández Méndez e do concelleiro do PSdeG-PSOE, D. Xaime Rei Barreiro, e co voto en contra do concelleiro do B.N.G., D. Carlos Pazos Docampo, e co voto a favor do Concelleiro do Grupo Mixto D. Francisco Puch Casal."

Polo Sr. Alcalde, ábrese o correspondente turno de intervencións.

Concedida a palabra pola Presidencia ó Concelleiro Sr. Pazos Docampo, por este maniféstase en relación co expediente da Mesa de contratación referente a este préstamo, que non está de acordo que na Mesa de Contratación o Secretario da mesma sexa un funcionario nomeado polo Presidente do Concello, senón que o mesmo debe ser nomeado polos representantes dos traballadores.

Concedida a palabra pola Presidencia ó Concelleiro Sr. Gonzalez Iglesias, por este maniféstase que votará a favor da aprobación do referido préstamo, pero que agora polo equipo de goberno recúrrese ó crédito cando ese equipo de goberno anteriormente era oposición votaban en contra das operacións de crédito.


Serie A N.º 0361214

Concedida a palabra pola Presidencia ó Concelleiro Sr. Míguez Docampo, por este sinálase que este préstamo faise necesario por un orzamento non confeccionado polo PP, pero que no momento que o PP faga o seu orzamento procurárase non recurrir ó préstamo.

Non habendo unanimidade de criterios, pola Presidencia sométese o asunto a votación.

Efectúa esta, acadou o seguinte resultado: Votan a favor da proposta da Comisión, os Sres./as Concelleiros/as do PP (9), os/as do PSdeG-PSOE (5), e os Concelleiros do Grupo Mixto (2), votan en contra da proposta dos Concelleiros/a do B.N.G. (3), quedando en consecuencia aprobada a proposta transcrita.-

E, non habendo máis asuntos que tratar, pola Presidencia levantouse a sesión, sendo as dezanove horas cincuenta e cinco minutos da data fixada no encabezamento, en proba de todo o que, se estende a presente acta, que se inscribe no Libro dende o folio 211 do Papel Timbrado da Comunidade Autónoma de Galicia, Serie A nº 0361213, ata o folio 212, Serie A nº 0361214, de todo o que, como Secretario, DOU FE.-

O ALCALDE

AMADO RICON VIRULEGIO

O SECRETARIO

LUIS TORRADO VAZQUEZ